

ընումին մէջ—իրար փոխադարձաբար պաշտպանելու, և ոչ օտարը տարամբար հալածելու վարդապետութիւն մը:

Ահա այն մեծ գիծը, որ կ'անջատէ համահայութիւնը՝ հնչիւնով նման, բայց նպատակով հակոտնեայ համապալաւութիւն, համագերմանութիւն և համիսլամութիւն կոչուող անհամակրելի ու վտանգաւոր շարժումներէն:—

Ինչպէս տեսնում էք «պանարմենիզմ» խօսքը Ովկիանոսի այն կողմում այնպիսի ցասում և զայրոյթ չի յարուցանում, ինչպէս այս կողմում...

ՊԱՐԲԵՐԱԿԱՆ ՀՐԱՏԱՐԱՅՈՒԹԻՒՆՆԵՐ

Աօխատանք, Ժողովրդական, աշխատական, գիւղացիական շարաթափերթ.— Գիւղատնտես պ. Ա. Աթա-նասեանի խմբագրութեամբ հրատարակուող այս նոր թերթի նպատակը պարզ է վերև բերուած նրա վերնագրից: Գիւղը և գիւղացիութիւնը պէտք է լինի այդ օրգանի մտածողութեան գլխաւոր աւարկան: Մինչև այժմ լոյս տեսած 7 համարներում բաւական պարզուել է այդ շարաթափերթի պրոգրեսսիւ աշխարհայեացքը շօշափուած հարցերի մէջ, սակայն մի քանի յօդուածների լեզուն, նիւթը, դատողութիւնների վերացականութիւնը աւելի յարմարեցրած են ինտելիգենտ քաղաքացիների, քան մեր խեղճ գիւղացիների ըմբռնողութեան: Մտաշելիութեան կողմից լաւ են «Գիւղատնտեսութիւն» բաժնում Ագրոնոմի «գրքոյնները»: Արդէն բոլորովին քաղաքում ապրող այն էլ որոշ արիւղի գրականասէրների ճաշակին՝ վայել են պ. Ստորակէտի սրախօսական յաւակնութիւնները, որոնք գիւղացու համար բոլորովին անպէտք բաներ

են և որոնց փոխարէն աւելի նպատակամար կը լինէր տալ օգտակար գիտելիքներ, խորհուրդներ, գիւղացիական հարցերի պատասխաններ:

Հովիւ. հոգևոր-բարոյական, պատմական, հասարակական և մանկավարժական շարաթափերթ.— Եղնիի ք. Երզնկեանի այդ թերթը էր գլխաւոր նպատակն է գրել մեր եկեղեցու, հոգևորականութեան և դպրոցների շուրջը պատող հարցերի քննութիւնը: Առայժմ շարաթափերթի մէջ աշխատող գլխաւոր ոյժերն են Ս. Մ., Արսէն վ., Բենիկ վ., Գր. ք. Երզնկեան, Եղ. ք. Գեղամեան և Բարգուղիմէոս եպ. Գէորգեան: «Հովիւ» կարծես լրացնում լինի Աւարատը: Ով հետաքրքրւում մեր կըղերի, եկեղեցու և դպրոցի հարցերով՝ նա այդ շարաթափերթի մէջ կը գտնի նիւթեր և որոշ աշխարհայեցող լուսաբանուած դատողութիւններ. վատ չէ ունենալ մի այդպիսի օրգան, որի մէջ կենտրոնանան մեր իրականութեան մէջ բա-

ւական զգալի դեր խաղացող մի դասակարգի պահանջները, որպէսզի թէ ժողովուրդը և թէ մամուլը՝ մեր հասարակական երևոյթները քննելու և կարգադրելու՝ կարողանան գիտակցօրէն հաշուի առնել և այդ ոյժը, ինկատի ունենալ և նրա ձայնը Շերտաւորումը աւելի է պարզում կացութիւնը և անելիքը...

Հասկնալ, 1906 թ., յունուար.— Խնամքով կազմուած այս համարում էլ գլխաւորապէս ի նկատի են առնուած գլորոցական հասակի մանուկները, Յանկալի էր որ չմոռացուէին մանկապարտիզական հասակի երեխաներն ևս: Իբրեւ մանկավարժական յաւելուած կցուած է Հենրիկ Վերնից՝ «Երեխաների կրթութիւնը մինչև 6 տարեկան հասակը» գրքոյի թարգմանութիւնը: Յիշեցնում ենք մեր ընթերցողներին որ մանկական պատկերազարդ այդ ամսագրի բաժանորդագրին է տարեկան, մանկավարժական բաժնով, 4 ռ., արտասահմանում 12 ֆրանկ:

Բազմավէտ, Կիտրուար.— Հայերը բիւզանդական գրականութեան

մէջ Յատյնի է թէ ինչ մեծ դեր են խաղացել հայերը Բիւզանդիայում. հայազգի թաղաւորների և գօրավաճառների, Պոյեբեսիոս ճարտարախօսի մասին շատերն են լսել, Հ. Սահակեան տալիս է ցարդ անծանօթ մի շարք անուններ, որոնք անպայման հայկական են, թէ և Բիւզանդիական գրականութեան մէջ միայն յիշատակուած: Թոռնիկ, Վարդան, Ճնճղուկ, Արտաւազդ, Պաչիկ և այլն: Այս համարում խօսում է Արտաւազդ աստղաբաշխի մասին, որ ապրում էր XIII-րդ դարում.— Աղագրական տիգեկութիւնը հայոց վերայ օտար պատմաց քով՝ գրուածքն շահադրգիւ է մեր անցեալով հետաքրքրուողների համար. հայկական բանուածքների, ժողովրդական և նախարարական սարահներ, հերահարդման մասին օտար պատմիչների հատուկտոր խօսքերը լոյս են սփռում շատ մութ խնդիրների վերայ: «Բազմավէտ» այս տարուայ համարներում, ի միջի այլոց, աղւում է Հենրիկոս Սենկվիչի «Մրով ու հրով» պատմական վէպի թարգմանութիւնը և Տասսօի «Երուսաղէմի առումը»:

ԽՄԲԱԳՐՈՒԹԵԱՆ ԿՈՂՄԻՑ

Մեր նոր բաժանորդներից նրանք, որոնք կը ցանկանան ձեռք բերել «Հաջի Բաքա» վէպի այն մասը, որ տպուել է 1905 թ. ընթացքում—պէտք է ուղարկեն ճանապարհածախը 50 կոպ. (կարելի է նամակադրօշմով): «Հաջի Բաքայի» Ա. մասը, որ լոյս է տեսել 1904 թուին և արժէ 2 ռուբլի, մեր բաժանորդների համար արժէ 1 ռ., ճանապարհածախքով 1 ռ. 50 կ.:

Նոր բաժանորդներից նրանք, որոնք թիւրիմացութեամբ ստացած չեն լինի 1905 թ. նոյեմբեր-դեկտեմբերի համարը (ձրիաբար)—թող հաճեն բաց նամակով իմաց տալ մեզ այդ մասին: